

TERMAT E REFERENCËS

Instituti i Studimeve Politike (ISP) kërkon të kontraktojë një ekspert të jashtëm që do të identifikojë dhe analizojë ndikimin e grupeve kriminale në procesin parazgjedhor 2025 dhe në procesin zgjedhor të zgjedhjeve në partitë politike (partitë parlamentare), në media, stafet zgjedhore, si dhe adresimi i rasteve problematike në lidhje me standardin e integritetit dhe dekriminalizimit, pjesë e projektit “Fuqizimi i integritetit të zgjedhjeve dhe i qëndrueshmërisë së partive politike” 2024-2025, zbatuar nga Komiteti Shqiptar i Helsinkit (KSHH) në partneritet me Institutin e Studimeve Politike (ISP), BIRN Albania dhe Qëndresa Qytetare (QQ), mbështetur financiarisht nga Ambasada Britanike.

Pozicioni / Shërbim	Ekspert i jashtëm
Titulli i Projektit	Fuqizimi i integritetit të zgjedhjeve dhe i qëndrueshmërisë së partive politike 2024-2025
Mbështetur:	Ambasada Britanike në Shqipëri
Lloji i Kontratës :	Kontratë shërbimi
Periudha e kontratës	Tetor 2024- Janar 2025
Koha e punës	20 ditë

Rreth ISP-së

ISP është organizatë joqeveritare në fushën e studimeve politike në Shqipëri. Fokusi i saj kryesor është monitorimi i proceseve politike të tranzicionit, aktivitetit të institucioneve politike dhe kushtetuese, edukimi publik përmes parimeve të transparencës, pjesëmarrjes, përfaqësimit dhe njohjes së koncepteve thelbësore për demokraci funksionale.

Prej vitit 2019 Instituti i Studimeve Politike (ISP) është duke monitoruar dekriminalizimin në politikë dhe në jetën parlamentare 2019-2021 me mbështetjen e ambasadës holandeze dhe

tashmë nga 2021-2023 me mbështetjen e NED, mbikëqyrja parlamentare në fushën e sigurisë 2019-2022 me mbështetjen e CESS, monitorimin e progresit të Shqipërisë në drejtim të integritetit, me fokus parlamentin 2019-2022 me mbështetjen e KAS, aktivitetin parlamentar etj.

Rreth projektit

Instituti i Studimeve Politike në këtë projekt synon të monitorojë transparencën dhe llogaridhënien në zbatimin e standardeve të dekriminalizimit dhe integritetit për kandidatët, subjektet zgjedhore dhe institucionet e përfshira në procesin zgjedhor dhe produktet e tij zgjedhore në periudhën parazgjedhore.

Qëllimi i shërbimit

Kërkohe bashkëpunimi me një ekspert të jashtëm **që do të identifikojë dhe analizojë ndikimin e grupeve kriminale në procesin parazgjedhor 2025 dhe në procesin zgjedhor të zgjedhjeve në partitë politike (partitë parlamentare), në media, stafet zgjedhore, si dhe adresimi i rasteve problematike në lidhje me standardin e integritetit dhe dekriminalizimit.** Eksperti është përgjegjës për draftimin e dy raporteve, ofron gjetjet dhe rekomandimet, si dhe është përgjegjës për promovimin publik të raportit në takime/konsultime, etj, si dhe për përgjegjësi të tjera të poshtëshënuara të detyrat dhe përgjegjësitë e ekspertit.

Kriteret për përzgjedhjen e ekspertit të jashtëm

Profili i ekspertit:

- Titulli, MA në shkencë politike, juridike sociale ose media;
- Minimum 3 vjet eksperiencë profesionale në fushat përkatëse ose bashkëpunim me shoqërinë civile;
- Aftësi të shkëlqyera hulumtuese dhe aftësi për të punuar me literaturë bashkëkohore;
- Aftësi të mira komunikuese dhe shpirt bashkëpunimi në grup;
- Aftësi për të menaxhuar kohën në mënyrë që të respektohet çdo afat i paracaktuar kohor.

Aftësitë individuale

1. Të jetë i/e pavarur, i/e paanshëm dhe me integritet;
2. Të ketë aftësi shumë të mira komunikimi dhe bashkëpunimi në ekip dhe jo vetëm;
3. Të ketë aftësi analitike dhe mendim kritik;
4. Të jetë i/e përgjegjshëm për respektimin e detyrave dhe afatet e vendosura;

Detyra dhe përgjegjësitë

Konkretisht eksperti:

- a) Analizon të dhëna të mbledhura nga stafi i ISP, media dhe burime të tjera mbi grupet informale të përfshira në zgjedhje dhe raporti i tyre me subjektet zgjedhore.

- b) Trajton legjislacionin, aktet nënligjore të KQZ, si dhe aktet e Prokurorisë dhe organeve të tjera ligjzbatuese lidhur me transparencën elektorale.
- c) Trajton denoncimet e ardhura nga palët politike / subjektet konkurruese dhe të dhënat nga grupet monitoruese në zgjedhje;
- d) Ofron të dhëna cilësore nga modele pozitive në vendet e tjera kandidate për në BE ose anëtare të BE-së, si dhe nga Britania e Madhe
- e) Ofron gjetjet kryesore të raportit dhe rekomandimet kryesore
- f) Merr pjesë në aktivitetet publike të projektit dhe mbron e punën e tij në publik.
- g) Promovon raportin dhe produktet dhe gjetjet e projektit te grupet e synuara.

Dokumentet e Aplikimit:

Aplikantët e interesuar për të aplikuar për pozicionin e ekspertit duhet të dorëzojnë:

1. CV e detajuar
2. Punim shkencor të mëparshëm ose Punë të ngjashme
3. Ofertë Financiare e nënshkruar në GBP (përfshirë TVSH-në)

Kostot dhe Pagesat

Mënyra e pagesës përcaktohet në Kontratën e Shërbimit. Pagesa do të kryet pas paraqitjes së materialeve të realizuara nga eksperti për punën e kryer.

Aplikimi duhet të dërgohen në një nga 3 variantet, jo më vonë se data 03/10/2025 ora 24:00:

- në formë elektronike në adresën e e-mailit contactaips@gmail.com, ose contactaips@isp.com.al
- me postë në adresën: Rr "Luigj Gurakuqi", Shk. A, P.89 K.3, Ap 16, Tiranë/ ose dorazi me zarf të mbyllur pranë zyrave të ISP me titullin e projektit sipër "Fuqizimi i integritetit të zgjedhjeve dhe i qëndrueshmërisë së partive politike" - Ekspert për analizën e influencës së grupeve në procesin zgjedhor 2024-2025.

Lutemi specifikoni qartë adresën e subjektit, e-mail ose një nr. kontakti.

Instituti i Studimeve Politike